

FANDRAISANA

 Hafatra mampientam-po no nomen-dRahalahy Pearry antsika vao teo avy tamin'ny Tenin'Andriamanitra. Marina toy ny ahoana ilay izy hoe "Mametra an'Andriamanitra isika ary manome fotoana an'Andriamanitra; fa Mandrakizay Izzy, tsy afaka manao an'izany isika." Noho izany izao hariva izao dia manatrika zavatra iray hafa isika ankehitriny, dia ny fandraisana.

² Telo taona no niandrasako fiangonana iray ho tonga eto Tucson, fa eto izy. Hia isika dia—isika dia eto. Koa misaotra ny Tompo isika, namela antsika hiandry fotosiny Izzy mandrapahavantsika mankasitraka an'izany ankehitriny.

³ Ankehitriny, misy zavatra iray izay tiako ho lazaina mialoha indrindra ny hanombohantsika ny fandraisana, dia izao, hoe mino aho fa efa betsaka no hitantsika ao amin'ny androntsika izay iainantsika, ka tokony tena hanomezantsika (ny tsirairay) ny rehetra amin'ny tenantsika ho an'Andriamanitra. Isika—isika dia tokony tena hanompo an'Andriamanitra. Mino aho fa nitahy antsika Izzy niaraka tamin'ny valiny mivantana ho an'ny Soratra. Araka ny nanomezan-dRahalahy Pearry azy fotoana vitsy lasa izay, hoe isika—isika dia—isika dia eo amin'io fotoana io. Tsy jamba isika, isika—isika—isika dia mahita fa eo isika, isika—isika dia tonga.

⁴ Ary afaka mijery manodidina koa isika ka mahita ny fomba izay ialan'ilay fisainan'olombelona amin'ny olona. Fa, isika—isika dia tsy afaka mijanona ela loatra, ho lasa ao amin'ny toeram-pitsaboana adala iray tanteraka isika, ho ao izao tontolo rehetra izao. Hitanareo? Noho izany isika—isika dia eo amin'ny andro farany.

⁵ Ankehitriny, araka ny namaranan-dRahalahy Pearry teo, eo am-pahitana fa marina ireo zavatra ireo, mahita fa marina izy ireo, tsy angano izy ireo. Tsy zavatra izay saintsainintsika fotosiny izy ireo. Zavatra izay efa nomena antsika nivantana tamin'ny alàlan'ny Tenin'Andriamanitra izy ireo ary miseho miharihary eo anatrehantsika, mba hahafantarantsika fa eo isika. Isika—isika dia tsy mahafantatra hoe hafirina ankehitriny, satria miverina indray amin'ny famantaranandro iray isika, hitanareo, hoe amin'ny firy izao. Saingy isika dia...mahafantatra isika fa isika—isika dia eto, eo amin'ilay fotoana isika. Raha ny fotoana'Andriamanitra, dia hataoko...

⁶ Olona iray no nanolotra famakafakana kely indray mandeha izay nilaza fa raha nanohana azy Andriamanitra araka... raha tsy maintsy nitsinjara ny fotoana Izzy, ny—ny arivo taona dia iray andro fotosiny. Noho izany raha velona fitopolo taona

ny olona iray, izany dia ho minitra vitsy fotsiny amin'ny fotoan'Andriamanitra. Hitanareo? Eny, ary nilaza izy fa raha efapolo taona izany, dia tsy hidika akory aza ho fotoana, saiky, izay Hanakimpiny ny Masony. Hitanareo, haingana toy ny ahoana fotsiny izany, ilay zavatra manontolo, raha fotoana notsinjaraina ilay izy; fa, tsy manana fotoana iray Izy. Noho izany dia Mandrakizay fotsiny Izy.

⁷ Mino aho fa Sarah tany...na, tsia, Joseph, indray alina, no niteny tamiko sy Rahalahy Pearry. Hoy izy hoe, “Dada, taiza, oviana no tonga teo amin’ny sehatra Andriamanitra? Avy taiza Izy?” Hitanareo? “Tsy maintsy ho nanana fiandohana iray Izy, sa tsy izany Izy? Tsy tokony ho nanomboka ve Izy?”

⁸ Hoy aho hoe, “Tsia. Ny zavatra rehetra izay manana fiandohana iray dia manana fiafarana iray, fa izay tsy nanana fiandohana iray no tsy manana fiafarana iray.” Mazava ho azy, folo taona izy, izany dia somary ho—ho tena eran’ny vava iray ho azy. Hitanareo? Ary ahoana no hahafahany handray an’izany, hahafantatra fa nisy zavatra iray izay tsy nanomboka mihitsy? Tsy ho azy irery ihany, fa ho ahy izany. Ankehitriny, hitanareo, daozy goavana be iray ho ahy mihitsy izany, ahoana no mba nanombohan’izany.

⁹ Ankehitriny dia natao handinika zavatra iray isika eto izay tena masina tokoa.

¹⁰ Nantsoina aho andro vitsy lasa izay, ho any amin’ireo lehilahy mihaja Kristiana tena mahafinaritra izay—izay tsy nanana an’izao mihitsy, ary azony fa mandray ara-bakiteny ny fandraisana isika. Izy ireo dia mandray an’izany araka ny antsoin’izy ireo hoe “fandraisana ara-panahy.” Ary dia, raha ny amin’ny *fandraisana*, hataoko hoe mety tsara izany, satria ny *mifandray* dia “miresaka amin’ny,” hitanareo. Ary nanome ahy an’ity Soratra ity ilay rahalahy, nanao hoe, “Rahalahy Branham, tsy mihevitra ve ianao ankehitriny . . .”

¹¹ Ankehitriny, ny antony ilazako an’izao... Mety tsara ve ilay izy, Rahalahy Pearry? [Mamaly Rahalahy Pearry Green hoe, “Azo antoka.”—Mpand.] Hitanareo, izany no antony ilazako an’izao, mba hahazoanareo izay ataoareo. Ianareo tsy...raha miditra an-jambany ao amin’ny zavatra iray ianareo, dia tsy fantatrareo hoe aiza, inona no ataoareo. Tsy afaka manana fahatokiana akory aza ianareo raha tsy fantatrareo izay ataoareo. Fa tsy maintsy azonareo izay ataoareo sy hoe nahoana ianareo no manao an’ilay izy.

¹² Hoy izy hoe, “Ankehitriny raha mandray ny Tenin’Andriamanitra isika, dia tsy Andriamanitra ve no raisintsika?”

¹³ Hoy aho hoe, “Tena marina tokoa, tompoko, marina izany. Fa mamaky isika eto fa izy ireo tokoa...Nampianatra i Paoly mba handraisana ny sakafio harivan’ny Tompo ara-bakiteny.

'Ataovy izao ho fahatsiarovana Ahy,' hoy Jesosy. 'Na oviana na oviana ianareo no mandray an'izany ho fahatsiarovana Ahy, dia manambara ny fahafatesan'ny Tompo ianareo mandra-Pihaviny.' Hitanareo? Ankehitriny, dia tsy maintsy mandray an'izany isika.

¹⁴ Azontsika fa i Masindahy Paoly, no nametraka an'izany tao amin'ny Fianganana, amin'ny maha-mpaminanin'ny Testamenta Vaovao. Petera, Jakoba, Jaona, izy rehetra, izy ireo no nanoratra (nahoana, Matio, Marka, Lioka) an'izay nataon'i Jesosy, tahaka an'ireo mpanora-dalàna. Fa i Paoly no nametraka an'ilay zavatra tao anatin'ny lamina, izy no—izy no mpaminanin'ny Testamenta Vaovao. Tahaka an'i Mosesy mihitsy izay nandeha tany an-efitra mba handray ny tsindrimandry hanoratana an'ireo—ireo Boky dimy an'ny—an'ny . . . ireo Boky dimy voalohany an'ny Baiboly, eny, dia nandeha tany an-efitra koa i Paoly ka nandray ny tsindrimandry avy tamin'Andriamanitra, mba hametraka ny Fianganan'ny Testamenta Vaovao ao anatin'ny lamina sy hanao tandindona an'Izany amin'ilay Taloha.

¹⁵ Teo ambany teo no nananan'izy ireo an'ilay zanak'ondrin'ny fanatitra, ka notandreman'ny Israely izany ho fahatsiarovana iray. Nampiasaina tokoa izany indray mandeha, raha nivoaka an'i Egypta. Saingy avy eo dia notandreman'izy ireo ho fahatsiarovana nandrity ny taona rehetra izany. Eny, "raha ny lalàna no alok'ireo zavatra izay ho avy," hitanareo.

¹⁶ Ankehitriny, tena mino aho fa ny *fandraisana* (izay antsointsika hoe "fandraisana," ankehitriny) dia mba . . . dia "ny sakafotra harivan'ny Tompo."

¹⁷ Ankehitriny, manana baiko Masina ara-nofo telo ihany isika izay navela ho antsika: ny iray amin'izy ireo dia—dia ny fandraisana; ny fanasan-tongotra; ny batisan'ny rano. Izay ihany ireo zavatra telo. Izany no fahatanterahana, avy amin'ny telo, hitanareo. Ary izay ihany ireo baiko telo izay ananantsika. Fantatsika fa izany no lalana nomen'i Masindahy Paoly ao amin'ny Testamenta Vaovao.

¹⁸ Ankehitriny, raha hilaza isika hoe "ny fandraisana dia tokony ho fandraisana ny Teny fotsiny," tsy mino aho fa manana zò handray ny sakafotra harivan'ny Tompo ny olona rehetra raha tsy efa nandray ny—ny Tenin'ny Tompo tao am-pony izy. Hitanareo? Satria aho dia . . . hamaky zavatra iray ho anareo aho ao anatin'ny fotoana fohy dia hahita ianareo. Ankehitriny, mariho. Noho izany, nahoana ary isika no—isika no . . .

¹⁹ Eo amin'ilay fototra iray ihany dia afaka manamarina tanteraka tokoa an'ilay Tafiky ny Famonjena isika. Tsy mino ny batisan'ny rano amin'ny endrin'y rehetra izy ireo, nanao hoe, "Tsy mila an'izany izahay." Ankehitriny, raha tsy mila ny batisan'ny rano isika, nahoana isika no atao batisa? Hoy izy ireo,

“Ny rano dia tsy afaka mamonjy anareo, ny Rà no mamonjy anareo.”

²⁰ Hanaiky an’izany aho. Izany—izany dia marina, ny Rà no mamonjy anareo, fa tsy ny rano. Fa isika dia *tsy maintsy* mandray ny rano ho fihetseham-po ety ivelany fa nisy asan’ny fahasoavana iray ao anatiny izay efa vita. Hitanareo? Toy izany koa no tsy maintsy ataontsika amin’ny fandraisana!

²¹ Rehefa avy nandray ny Tompo isika, ny Fanatitsika, ao anatintsika, ho zavatra iray an’ny Fahaterahana ara-panahy ao anatintsika, sy Ny Vatany, mivelona Aminy amin’ny alàlan’ny Teny isika, dia tokony hanamarika an’izany koa isika satria didy iray izany. “Mibebaha, ny tsirairay avy aminareo ka aoka hatao batisa amin’ny Anaran’i Jesosy Kristy ho an’ny famelàna ny otanareo.”

²² Hoy i Paoly hoe, “Izaho efa nandray avy tamin’ny Tompo izay atolotro anareo koa, ‘Fa ny Tompo Jesosy tamin’iny alina iny izay namadihana Azy dia nandray ny mofo, ary namaky an’izany ka nanome an’izany ho an’ireo mpianatra, ary—ary nanao hoe, ‘Raiso ka hano, izao no ataovy ho fahatsiarovana Ahy.’ Fa na oviana ianareo no mandray an’izao mofo izao, dia manambara ny Fahafatesany ianareo mandra-Pihaviny.” Ankehitriny hitantsika fa, ao amin’izany, nanana olona izy ireo izay tonga ka…

²³ Io rahalahy sarobidy io, tena rahalahy malala iray, tonga izy ka nanao hoe, “Izaho tsy—tsy nandray an’izany mihitsy, Rahalahy Branham, tsy azoko hoe inona ilay izy.” Hoy izy, “Ilay ilany hafa no nampianarina ahy.”

²⁴ Hoy aho hoe, “Fa tsarovy, hanaiky isika fa i Masindahy Paoly no nametraka an’izany tao anatin’ny lamina tao amin’ilay Fiagonana Kristiana voalohany. Nandeha avy ao amin’ny fiagonana izy ireo...nitety trano, namaky ny mofo tamin’ny firaisam-po, sy ny sisa. Ankehitriny,” hoy aho, “izy no nametraka an’izany tao amin’ny Fiagonana. Galatiana 1:8, hoy izy hoe, ‘Raha misy anjely iray tonga avy any an-danitra ka milaza zavatra hafa, aoka izy ho voaozona,’ hitanao, hitanao, ilay anankiray ihany izay nanao azy ireo haverina hatao batisa indray avy tamin’ny batisan’i Jaona, mba hatao batisa amin’ny Anaran’i Jesosy Kristy.”

²⁵ Hitanareo, misy zavatra telo izay tsy maintsy—zavatra telo izay tsy maintsy hataontsika ho marika: ny sakafô harivan’ny Tompo, ny fanasan-tongotra, ny batisan’ny rano. Hitanareo? Misy...

²⁶ Hoy ianareo hoe, “Eny, ny...” Ankehitriny, mandray an-tendrony an’izany ilay Tafiky ny Famonjena hoe, “Ilay mpangalatra maty, rehefa maty izy, tsy natao batisa izy, kanefa Jesosy no nilaza fa ho any An-danitra izy.” Tena fahamarinana marina tokoa izany. Marina izany. Saingy, hitanareo, izy—

izy—izy dia teo fotsiny ihany vao mba nahalala an'i Jesosy tao amin'ilay ora nahafatesany mihitsy. Hitanareo? Io ihany no—io ihany no mba fanararaotra izay nananany. Izy—izy dia mpangalatra iray, lavitra izy, tany ivelany izy. Ary izy, vantany vao nahita an'ilay Hazavana izy, dia nahalala an'Izany, "Tompo, tsarovy aho!" Ary Jesosy . . . Marina izany.

²⁷ Fa ho ahy sy ho anareo izay mahafantatra fa tokony hatao batisa isika, nefà mandà ny hanao an'izany, amin'izay fotoana izay dia ho eo aminareo sy Andriamanitra izany. Mitovy amin'izany ny amin'ny fandraisana!

²⁸ Ankehitriny, rehefa mandray an'ity fandraisana ity isika, izany dia tsy zavatra milaza fotsiny hoe, "Hiakatra eto aho ary hihinana mofo iray, ary hino aho fa Kristiana iray aho." Fa, raha voatsikaritrareo, hoy ny Baiboly hoe, "Izay mihinana sy misotro amin'ny *tsi-fahamendrehana* dia ho meloka amin'ny Rà sy ny Tenan'ny Tompo." Hitanareo? Ianareo dia tsy maintsy miaina fiainana iray izay—izay . . . eo anatrehan'ny olona, izay . . . ary eo anatrehan'Andriamanitra sy ny olona, izay maneho fa ianareo dia—fa ianareo dia tso-po.

²⁹ Ankehitriny, vetivety fotsiny indray. Ankehitriny, ao amin'ny Testamenta Taloha rehefa ilay fanatitra no natao ho—ho fitsipi-dalàna iray na didy iray. Ary didy iray toy izany koa ny batisan'ny rano; didy iray toy izany koa ny fanasan-tongotra; didy iray toy izany koa ny sakafô harivan'ny Tompo. "Sambatra izay manao ny Didiny rehetra, mitandrina ny Fitsipi-dalàny rehetra, ny Lalàny rehetra, mba hahazoany zò hiditra ao amin'ny Hazon'Aina."

³⁰ Ankehitriny, mariho eo amin'io ankehitriny, hoe tamin'io voalohany io, rehefa didin'Andriamanitra voalohany ny hitondrana fanatitra iray ao amin'ilay fiangonana, sy ho an'ilay tempoly ary ilay alitara, ka manolotra ny fanomezanareo, sy—sy ho an'ny otanareo, ilay zanak'ondry fanatitra. Eny, afaka misaintsaina fotsiny aho mahita rahalahy Jiosy iray mandeha eny an-dàlana, mahafantatra fa meloka izy, ary mandeha eo amin'ilay alitara izy; na mitondra ny ombiny matavy na ombilahy, na inona na inona nananany, na ondrilahy iray, zanak'ondry, zavatra iray. Nitondra an'izany teny an-dàlana izy tena tso-po arak'izay nanatonany, nandeha teo izy, nitandrina ny didin'Andriamanitra tena tso-po arak'izay vitany.

³¹ Nametraka ny tânany teo ambonin'izany izy avy eo, niaiky ny fahotany, ary ilay mpisorona no nametraka an'io (ireo fahotany) teo ambonin'ilay zanak'ondry, ary notapahina ny tendan'ilay zanak'ondry, ary—ary avy eo dia maty ho azy. Raha nandry teo izy, dia nitsipatsipaka ilay zanak'ondry kely ary nandeha rà, feno rà ireo tânany, ary nипитика nanerana azy manontolo izany, (nibarareoka ilay zanak'ondry kely, maty), fantany fa nanota izy ka nisy zavatra iray tsy maintsy maty eo amin'ny

toerany. Noho izany, nanolotra ny fahafatesan'io zanak'ondry io izy ho an'ny fahafatesany. Hitanareo, maty teo amin'ny toerany ilay zanak'ondry. Amin'izay fotoana izay dia nanao an'ilay izy tamin'ny fahatsoram-po ilay lehilahy, tamin'ny halalin'ny fony.

³² Farany, miverina hatrany hatrany izany, ary mitohy mandeha hatrany hany ka lasa fombafomba ilay izy amin'ny farany. Las a fombafomba iray ho an'ny olona ilay lalàñ'Andriamanitra. Ary amin'izay fotoana izay indro tonga izy, "Eny, ndao ho jerentsika, ity dia *izao-sy-izao* amin'izao andro izao, angamba tsaratsara kokoa ho ahy ny mandeha. Hia, tsaratsara kokoa ho ahy ny manolotra ny-ny ombilahy iray." Nandeha izy, "Eny, Tompo, indro ny ombilahiko." Hitanareo, tsy misy fahatsoram-po ao amin'izany, tsy misy fahazoana amin'izany.

³³ Ankehitriny, tsy te-handray ny fandraisana tahaka an'izany isika. Izany ilay zavatra mitovy izay tonga eo amin'ny latabatry ny Tompo.

³⁴ Isaia 35... Tsia, miala tsiny aminareo aho. Isaia 60... Mamelà ahy haka an'izany indray. Izaho—izaho—izaho dia mino fa Isaia 28 ilay izy, no ahitantsika an'izany. Tena azoko antoka mihitsy fa izany ilay toko marina. Hoy izy hoe, "Fistipika anampy fitsipika; ary andalana anampy andalana anampy andalana; kely eto, kely etsy. Hazòny mafy izay tsara. Amin'ny molotra miambakambaka sy amin'ny fiteny hafa no Hitenenako amin'ity vahoaka ity. Ary ity no Fitsaharana."

³⁵ Hoy izy hoe, "Feno lò ny latabatry ny Tompo rehetra. Iza no azoko ampianarina Foto-pampianarana? Iza no azoko hampahafantarina?" Hitanareo? Heveriko fa izany ilay Soratra marina, Isaia 28. "Iza no azoko hampahafantarina Foto-pampianarana?" Hitanareo, "ireo latabatra."

³⁶ Ankehitriny, hitantsika androany fa ity zavatra lehibe izay efa hataontsika izao hariva izao ity, ho fahatsiarovana ny Fahafatesany sy Ny Vatany izay inoantsika fa hanintsika isan'andro, na, izay vao avy nohanintsika araka ny notorian'ny rahalahintsika tamintsika. Eo am-pandraisana ny Tenin'Andriamanitra, dia mino an'Izany amin'ny fontsika rehetra isika. Hitantsika fa voaseho Izany; hitantsika fa nomena antsika Izany; hitantsika fa nohamarinina Izany; tsapantsika ao amin'ny fiainantsika Izany. Ary tsy maintsy manatona an'ity amin'ny fieritreretana lalina ny amin'izay ataontsika isika, tsy hoe satria baiko iray fotsiny ilay izy.

³⁷ Miditra ao am-piangonana ianareo, ary matetika izy ireo no manome anareo bisky masira tranainy iray na karazana iray avy amin'ny—ny zavatra iray, mamaky an'izany, ary mofo maivana na—na zavatra iray, ary—ary mamaky an'izany; ary ireo olona izay mifoka, misstro, ny zavatra hafa, satria mambra iray an'ny

fiangonana izy ireo izay tonga ka mandray ny sakafo harivan'ny Tompo. Eny, fahalotoana eo anatrehan'Andriamanitra izany!

³⁸ Na dia ilay fanatitra aza, hoy izy, "Ireo andronareo masina sy ny fanatitrareo dia lasa fofo-maimbo eo amin'ny Orokō." Kanefa Izy no nandidy azy ireo hanao an'io fanatitra io. Fa ilay fomba nanaovan'izy ireo an'ilay izy, dia lasa fofo-maimbo izany, maimbo eo amin'ny Orony (ny Vavorony), ilay tena fanatitra izay Nodidiany.

³⁹ Izany no fomba andraisantsika ny Tenin'Andriamanitra, Kristiana marobe amin'izao andro izao (natao ho) no manao an'izany. Mitsangana eto isika ary mampianatra an'ity Teny ity, ka manao hoe, "Jesosy Kristy dia tsy ilay tsy miova omaly, anio, ary mandrakizay," ary mampianatra an'ireo zavatra izay Nampanantenainy antsika fa Homeny voninahitra, nefà manao hoe, "Oh, eny, ho an'ny zavatra hafa izany," lasa maimbo iray fotsiny eo amin'ny Orony ireo fanompoantsika masina. Izy dia tsy handray an'izany, mihitsy tokoa. Izay ilay antony, noho ireo fahazarantsika ara-pombafomba!

⁴⁰ Tsy mandray ny sakafo harivan'ny Tompo amin'ny alàlan'ny fombafomba iray ianareo. Mandray an'izany ianareo satria izany dia ny fitiavan'Andriamanitra ao am-ponareo, amin'ny fitandremana ny lalàn'Andriamanitra. Hitanareo, izany no antony andraisanareo azy.

⁴¹ Noho izany raha tsy mandray azy amin'ny fahatsoram-po ianareo, hoe fombafomba fotsiny ilay izy, "Eny, mitandrina ny fandraisana indray mandeha isaky ny Alahady ny fiangonanay, na indray mandeha isam-bolana, na indroa isan-taona," dia mitsangana ianareo, manao hoe, "Eny, anjarako izao," ary—ary avy eo dia mandray ny fandraisana, nahoana, maimbo iray amin'Andriamanitra izany! Hitanareo, fombafomba fotsiny izany.

⁴² Mitovy amin'ny zavatra hafa mihitsy aza, ianareo—ianareo dia tsy maintsy ho tso-po. Mila ny lalin'ny fonareo Andriamanitra. Tsarovinareo, ilay tena Andriamanitra izay nitondra anareo teto an-tany no ilay Anankiray izay tomoinareo. Hitanareo?

⁴³ Manao an'izao ianareo satria Izy no niteny an'izany, satria Baikony izany. Noho izany tiantsika ny hanatona miaraka amin'ny halalin'ny fahatsoram-po, mahafantatra fa nonoh'ny fahasooavan'Andriamanitra no namonjena antsika. Ary isika—isika dia tia Azy sy nahatsapa Ny Fanatrehany, ary isika—isika dia mahita fa nanova ny fiainantsika Izany. Ny—ny tenantsika manontolo no niova. Isika—isika—isika dia olona hafa. Tsy miaina tahaka antsika taloha isika, tsy misaina tahaka antsika taloha isika.

⁴⁴ Tahaka ny ato amin'ity Boky ity, ary ilay toerana izay resahantsika mikasika an'ireo—ireo Boky roa lasa Iray, ny

Bokin'ny Fiainana. Ny Bokin'ny fiainana voalohany izay tonga, dia rehefa teraka ianareo, izany no fahaterahanareo ara-nofo. Hitanareo? Fa avy eo indray mandeha, tao ambany tao, dia nisy voan'ny Fiainana kely iray araka ny nazavaiko tamin'ireo anabavy sasany tany an-trano aninkeo tolakandro. Hitanareo, misy voan'ny Fiainana kely iray mandry ao, ka manontany ianareo hoe, "Avy taiza Izany? Inona—inona ireto zavatra hafahafa ireto?"

⁴⁵ Nilaza an'izany aho, nandray ho an'ny tenako, tahaka ny nilazanareo hoe, "William Branham, eny, efapolo taona lasa izay, ilay William Branham, dia tsy mitovy amin'ilay anankiray izao hariva izao." Raha nisy olona nilaza tamin'izany hoe, "William Branham, karilahy fetsy iray izy," hitanareo, satria naterak'i Charles sy Ella Branham aho. Tao amin'ny natioran'izy ireo dia mpanota iray aho, tonga teto amin'izao tontolo izao aho, mpandainga iray, ary ireo fahazarana rehetra an'izao tontolo izao no nandry mihitsy tato amiko. Fa ao ambany ao, ihany koa, dia nisy Natiora hafa iray tonga, hitanareo, voafidy mialoha, nataon'Andriamanitra tao. Ato amin'ity vatana ity ihany, hitanareo, natiora roa no ao.

⁴⁶ Eny, niankina tamin'ny anankiray ihany aho. Arakaraky ny nitomboany, no nibadabadako tahaka ny zazakely iray, "Dadda." Ny zavatra voalohany fantatralero, lasa mpandainga iray aho, lasa ny zavatra hafa rehetra izay maha-mpanota iray, satria nitombo tahaka an'izany aho. Fa ao ambany ao dia nisy pentin'Aina kely iray foana.

⁴⁷ Tsaroako taloha, raha mbola tovolahy kely iray... (Manantena aho fa tsy mihazona anareo ela loatra. Fa mahafantatra....) Nipetraka tao anatin'ny... teo—teo amoron'ny renirano, ary nipetraka teo aho ka njery manodidina nandritry ny alina. Papa sy mama, lasa any amin'ny fitsaharany izy ireo ankehitriny. Ary mpanota izy ireo tamin'izany andro izany, tsy nisy Kristianisma mihitsy tao an-tranonay. Ary, oh, oadray, fisotroana, sy ireo fety, ary ny fahadalana; nankarary ahy izany, nalaiko ny—ny faniloko sy ny alikako ary nandeha tany anaty ala, mba hijanona ny alina manontolo. Ny andro ririnina dia nihaza aho mandra-pahatapitr'ilay fety, angamba ny maraina misandratr'andro. Raha tonga tany an-trano aho, ka mbola tsy vita ilay izy, dia nandry teo ambonin'ny trano heva iray aho ary matory, miandry ny misandratr'andro hiposaka.

⁴⁸ Nieritreritra aho avy eo hoe ahoana fa matetika, tamin'izany tany ivelany tany tamin'ny andro fahavaratra, naka an'ireo tsorakazoko ary nanatsatoka azy ireo mba ho fialofana kely iray, rehefa avy ny orana; nandry teo ary nametraka an'ireo fintana nilona tao anaty rano, nanjono; nandry teo ilay alikako antitra mpihaza. Hoy aho hoe, "Jereo eto. Fantatralo, tamin'ny ririnina lasa aho dia nilasy teto indray hariva, nandrehitra afo tetu mihitsy aho rehefa niandry ny alikako antitra ho eo amin'ny

hazo teto, ary nanao afо iray teto aho. Nisy ranomandry dimy inches ny halaliny teo amin'ny tany. Fa, ry voninkazo kely, avy taiza ianao?" Hitanareo? "Eny, ary avy taiza ianao? Iza no tonga teto ka namboly anao? Ary trano mafana inona no namoahan'izy ireo anao? Na—na ahoana ny amin'izany, avy taiza ianao?" Hitanareo? Io voninkazo kely io, hoy aho hoe, "Nahoana, nisy ranomandry, sy ny sisa, ary nandrehitra afо teto amin'ny tampony teto aho. Ankoatran'ilay herin'ny fangatsiahana, dia nisy herin'ny hafanana iray nипetraka teo ambonin'ny vatan-kazo antitra lehibe iray izay nandorako anao. Kanefa dia io ianao eo, ary velona ianao. Avy taiza ianao?"

⁴⁹ Inona izany? Nisy William Branham hafa iray. Hitanareo? Pentina kely iray an'ny Fiaianana Mandrakizay no tao ambany tao, avy tamin'ireo—ireo—ireo tsimok'Andriamanitra, ny Tenin'Andriamanitra izay napetraka tao. Afaka mieritreritra an'ireo zavatra mitovy ny tsirairay avy aminareo. Hitanareo, niasa Izany.

⁵⁰ Niandranda teny amin'ireo hazo aho avy eo, ary nieritreritra hoe, "Ry ravina, nahita anao nilatsaka aho tamin'ny taona lasa, ary nahoana ianao no niverina eo indray? Avy taiza ianao? Inona no nitondrana anao eo?" Hitanareo, Izany dia ilay Fiaianana Mandrakizay izay niasa tao amin'ny vatana.

⁵¹ Ankehitriny, avy eo indray andro raha nanohy nandeha aho, dia niresaka io Feo io hoe, "Aza mifoka mihitsy, misotro, sy ny sisa." Ary niha-antitra ireo olona tanora sy izy rehetra. Hitanareo, nisy Zavatra iray nihetsika.

⁵² Kanefa tampoka teo dia niandranda aho, ka hoy aho hoe, "Tsy zanak'i Charles sy Ella Branham aho. Misy Zavatra iray miantso." Tahaka an'ilay voromahery keliko hoe, "Tsy akoho aho. Misy Zavatra iray any ambony any, any ho any. O Jehovah Lehibe, na Iza Ianao na iza, vohay! Te-hody any an-trano aho. Misy Zavatra iray ato amiko, miantso."

⁵³ Tamin'izay fotoana izay aho no nateraka indray. Nandry tao io Fiaianana kely io, natondraka teo ambonin'Izany ilay fiainan'ny rano, avy eo dia nanomboka nitombo Izy. Ankehitriny, voavela io fiaianana tranaindy io, natsipy tao anatin'ny ranomasin'ny fanadinoan'Andriamanitra, mba tsy ho tsarovana hanohitra ahy intsony. Hitanareo? Ankehitriny dia mitsangana isika nohamarinina (toy ny hoe mbola tsy nanota mihitsy isika) eo amin'ny Fanatrehan'Andriamanitra.

⁵⁴ Amin'izay fotoana izay rehefa manatona ny latabatry ny Tompo isika, dia tsy maintsy manatona amin'ny fanajana isika, fitiavana ary fankatoavana, ny amin'ny hoe "Jereo hoe ho taiza no nisy antsika raha tsy nisy Azy." Hitanareo? Jereo hoe ho taiza izany...

⁵⁵ Noho izany, Paoly, heveriko, teo am-pitenenana an'izao hoe, "Noho izany, rehefa miangona hihinana ianareo, dia

mifampiandrasha.” Izany hoe, amin’ny teny hafa, dia miandrasa minitra vitsy fotsiny, mivavaha, diniho ny tenanareo. Ary raha fantatrareo fa misy rahalahy iray eo, izay saika hanao zavatra izay ratsy mihitsy, na zavatra anankiray, dia mivavaha ho azy, ihany koa. Hitanareo? Hitanareo, “mifampiandrasha amin’ny hafa,” miandrasa iray minitra vitsy, mivavaha. Raha misy fihetseham-po eo aminareo na zavatra iray, dia aza—aza manao an’ilay izy—aza manao an’ilay izy, mandehana alamino izany, aloha. Hitanareo? Mandehana ahitsaho izany, aloha, satria te-hanatona eto ho madio mihitsy arak’izay azontsika atao isika, ary ireo fisainantsika eo amin’ny iray hafa sy amin’Andriamanitra, sy amin’ny tsirairay hafa, ary amin’izay fotoana izay dia manatona amin’ny fiombonana isika manodidina ny latabatry ny Tompo. Hitanareo?

⁵⁶ Ary manao an’izao isika satria misaotra Azy isika, ary eo anivon’ny hafa. Samy mihinana ny mofo ny tsirairay, samy misotro ny divay ny tsirairay, ho toy Ny Ràny sy Ny Nofony.

⁵⁷ “Raha tsy mihinana ny Nofon’ny Zanak’olona sy misotro Ny Ràny ianareo, dia tsy manana ny Fiainana ao anatinareo ianareo.” Hitanareo? Hitanareo, fa izany no nolazain’ny Baiboly. Raha tsy manao an’izany ianareo, dia tsy misy Fiainana. Hitanareo? Amin’izay fotoana izay ianareo, raha ny marina, dia maneho fa menatra ianareo ny hanondro ny tenanareo ho Kristiana iray, noho ilay fiainana izay iainanareo. Ary izany tokoa ilay fampisehoan-kery amin’izay fotoana izay. Noho izany raha tsy manao an’izany ianareo, dia tsy manana Fiainana. Raha manao an’izany amin’ny tsi-fahamendrehana ianareo, dia meloka amin’ny Tenan’ny Tompo.

⁵⁸ Mitovy amin’izany ny batisan’ny rano. Raha hoy isika hoe, “Mino an’i Jesosy Kristy isika, namonjy antsika tamin’ny ota Izy, ary vita batisa tamin’ny Anaran’i Jesosy Kristy isika,” nahoana, isika dia mitondra—isika dia mitondra henatra ho Azy, raha manao an’ireo zavatra izay ratsy isika ary isika—isika dia tsy maintsy handoa an’izany. Ary zavatra hafa iray, rehefa manao an’izany isika, dia miezaka milaza zavatra anankiray isika nefá manao hafa iray.

⁵⁹ Izay ilay olana amintsika amin’izao andro izao. Ny eritreretiko... Miteny aho hoe “isika,” izaho, sy ny fiangonana izay navelan’ny Tompo Andriamanitra hiresahako ao amin’ireto ora farany ireto, ka mino isika fa ao amin’ny fotoana famaranana. Mino isika fa Andriamanitra no nanome antsika Hafatra iray. Efa voatendrin’Andriamanitra Izany, efa nopofoin’Andriamanitra Izany, efa nasehon’Andriamanitra Izany. Ankehitriny dia tsy maintsy manatona Azy amin’ny fanajana sy amin’ny fitiavana isika, ary amin’ny—amin’ny fahadiovan’ny fo sy saina ary fanahy.

⁶⁰ Fantatrareo, ho tonga tsy ho ela ilay ora rehefa—rehefa ho eo anivontsika mihitsy... hiteny amintsika ny Fanahy Masina tahaka ny Nataony tamin'i Ananiasy sy Safira. Tsarovy, hitanareo, tonga io ora io. Hitanareo? Ary isika dia... Ankehitriny, tsarovinareo fotsiny izany, hitanareo, fa honina eo anivon'ny Olony Andriamanitra. Izany no Tiany hatao ankehitriny.

⁶¹ Afaka mandray ny Hafatra isika, araka ny nilazana... Raha tovolahy iray aho ary—ary nitady vady iray, ka afaka nahita vady iray, hoy aho hoe, "Tena tanteraka mihitsy izy. Kristiana iray izy. Ramatoa iray izy. Izany rehetra izany izy, manana fahatokiana aho." Tsy mampaninona na lehibe toy ny ahoana ilay fahatokiana, na lehibe toy ny ahoana no hiheverako fa tsara tarehy izy, tsy maintsy mandray azy aho, ary tsy maintsy mandray ahy izy; hitanareo, eo ambonin'ireo voady ireo.

⁶² Eny, mitovy amin'izany no hitsantsika amin'ny Hafatra. Hitantsika fa marina Izany. Hitantsika fa Andriamanitra no manamarina fa marina Izany. Marina tanteraka Izany. Isantaona, isan-taona, mitohy ho marina Izany, mitohy ho marina. Ny zavatra rehetra izay Lazainy, dia mitranga marina tokoa amin'ny fomba izay Nolazainy. Ankehitriny, mahafantatra isika fa marina Izany, saingy, hitanareo, aza manao an'ilay izy avy amin'ny foto-kevitra ara-tsaina iray. Raha manao ianareo, dia hahazo fivavahana nifindra tànana. Hitanareo? Tsy mila fivavahana nifindra tànana isika, zavatra iray izay efa niainan'ny olon-kafa izany ka isika dia miaina fotsiny amin'ny—amin'ny fanambaran'izy ireo.

⁶³ Araka ny inoako dia Jesosy no niteny tamin'i Pilato, zavatra iray, teny iray izay noeritreretiko, ary Nolazainy teo fotoana vitsy lasa fotsiny izay hoe, "Iza no niteny an'izany taminao?" Na, "Voambara taminao ve izany? Ahoana no nahafantaranao an'izany zavatra izany?" amin'ny teny hafa. Tsy fantatro mihitsy hoe inona ilay teny ankehitriny, efa ela be no namakiako an'izany, saingy, "Ahoana ianao—ahoana no nahafantaranao an'izany? Inona? Ahoana? Iza no nanambara an'izany taminao?" Ny amin'ny maha-Zanak'Andriamanitra Azy. "Iza no nanambara an'izany taminao? Olona iray ve no niteny anao an'izany? Sa," araka ny nolazain'i Jesosy hoe, "Ny Raiko any An-danitra ve no nanambara an'izany taminao?" Hitanareo? Hitanareo? "Ahoana no nianaranao an'izany, nifindra tànana sa fanambarana tanteraka iray avy tamin'Andriamanitra izany?"

⁶⁴ Ity fandraisana ity ve dia zavatra iray fotsiny izay ho raisiko, didy iray, manao hoe "Eny, ny sisa amin'izy ireo dia mandray an'io, handray koa aho"? Fanambarana iray izany hoe Ampahany aho ary ampahanareo aho, ary tiako ianareo sady tiako Izy, ka miaraka mandray an'izao isika mba ho mariky

ny fitiavantsika an'Andriamanitra, sy ny fitiavantsika ary ny fiombonantsika amin'ny hafa.

⁶⁵ Ankehitriny te-hamaky sasantsasany avy ao amin'ny Soratra aho. Ary avy eo dia atao fa... Aiza ianareo no... Izay fomba irian-dRahalahy Pearry androany. Maniry aho ny hamakianareo an'izany miaraka amiko, raha manana ny Baibolinareo ianareo. Korintiana Voalohany, ny—ny toko faha-11, ary manomboka amin'ny andininy faha-23.

⁶⁶ Ary avy eo koa, ao amin'ny tabernaklanay, dia mitandrina an'izao sy ny fanasan-tongotra foana izahay, mandrakariva, satria mifampitantana miaraka ireo. Mino aho fa ilay rahalahy no nilaza hoe "Alarobia hariva" izany noho ireo olona marobe ary ianareo tsy manana betsaka mba... efitra mba hametrahana ny olona ho an'ny fanasan-tongotra, izy ireo dia hitandrina—hitandrina an'izany ny Alarobia hariva.

⁶⁷ Ankehitriny, ny andininy faha-23-n'ny toko faha-11-n'ny Korintiana Voalohany, henoy i Paoly ankehitriny. Ankehitriny tsarovy, ary hazony ao an-tsainareo izao, Galatiana 1:8, "Raha izahay na anjely iray avy any an-danitra no mitory filazantsara hafa aminareo," (noho ity Filazantsara izay efa notorianty ity) "aoka izy ho voaozona." Hitanareo?

Fa izaho efa nandray tamin'ny Tompo ka izaho koa no nanolotra taminareo, Fa ny Tompo Jesosy tamin'iny alina iny izay namadihana azy dia nandray ny mofo:

Ary rehefa nanolotra ny saotra izy, dia novakiany izany, ... nanao hoe, Raiso ka hano: ity no tenako, izay vakiana ho anareo: izao no ataovy ho fahatsiarovana ahy.

⁶⁸ Ankehitriny, mamelà ahy hijanona eo mihitsy, mba hilaza: ny mandray ny tenan'i Jesosy Kristy Tompo ao amin'izao fandraisana izao, dia tsy midika fa io fandraisana io dia vatana *ara-bakiteny* an'i Kristy. Katolika izany. Tsy mino aho fa marina izany. Mino aho fa didy iray fotsiny izany izay nataon'Andriamanitra ho antsika, hitanareo, tsy ilay tena vatana izany. Izany dia... Ankehitriny, tena silaka mofo kosher kely iray tokoa izany. Didy iray fotsiny izany.

⁶⁹ Tsy mino koa aho fa ny batisan'i Jesosy Kristy (amin'ny Anaran'i Jesosy Kristy) ao anaty rano dia mamela ny fahotanareo. Tsy mino aho fa ianareo... Mino aho fa afaka atao batisa mandritry ny andro manontolo ianareo... Ankehitriny, fantatro fa misy olona angamba mipetraka eto izay avy any amin'ny fiangonana Apostolika, ny tiako ho lazaina, na ny fiangonana Pentekotista Mitambatra, ka mampianatra an'izany izy ireo. Saingy, hitanareo, izaho—izaho dia tsy mino fa mamela ny fahotana ny rano. Na, raha izay ilay izy, dia maty foana Jesosy amin'izay fotoana izay. Hitanareo? Mino aho fa didin'Andriamanitra iray fotsiny ihany izany, hitanareo, mba

hanehoana fa efa voavela ianareo. Fa ny hatao batisa ho an'ny fanavaozana, tsia, izaho—izaho—izaho tsy mino an'izany. Tsy mino aho fa mamela ny fahotana ny rano.

⁷⁰ Tsy mino koa aho fa ity mofo sy divay ity dia misy zavatra hataony aminareo, mitandrina didy iray fotsiny ihany izay nodidian'Andriamanitra mba hataontsika. Hitanareo? Marina izany. Mino aho fa mitovy amin'izany ny batisan'ny rano. Mino aho fa izany dia manery antsika hanao an'ilay izy, hoe Nataony daholo izany mba ho ohatra ho antsika. Fa Nataony izao mba ho ohatra ho antsika. Ary nanasa tongotra Izy mba ho ohatra ho antsika.

⁷¹ Ankehitriny, “Dia araka izany koa,” ny andininy faha-25:

Dia araka izany koa no nandraisany ny kapoaka, ary rehefa avy nihinana izy, nanao hoe, Ity kapoaka ity no ilay fanekena vaovao amin'ny rako: izao no ataovy, na oviana ianareo no misotro azy, ho fahatsiarovana ahy.

Fa na oviana... (Tsarovy ankehitriny!)... Fa na oviana ianareo no mihinana an'izao mofo izao, sy misotro an'izao kapoaka izao, ianareo dia manambara ny fahafatesan'ny Tompo mandrapihaviny. (Hatramin'ny oviana? “Mandra-Pihaviny!” Hitanareo? Hitanareo?)

Koa na iza na iza hihinana an'izao mofo izao, sy hisotro an'izao kapoaky ny Tompo izao, amin'ny tsi-fahamendrehana, dia ho meloka amin'ny tena sy ny ran'ny Tompo.

⁷² Mamelà ahy hijanona iray minitra fotsiny. Ny antony nilazany an'izany, voamarikareo ao amin'ny andininy iray hafa eto, toko iray hafa, fa hoy izy hoe, “Azoko fa rehefa ianareo—rehefa ianareo no tonga miaraka dia mihinana ianareo, mamo mihitsy aza eo amin'ny latabatry ny Tompo.” Tsy azon’izy ireo izany, hitanareo. Manao be am-bosika fotsiny izy ireo, hitanareo. Tahaka ny ataon’ny olona amin’izao andro izao, miaina amin’ny karazam-piainana rehetra nefá mandray an'ilay izy. Hitanareo? Hoy izy hoe, “Manana trano hihinanana ianareo, hitanareo. Saingy, ity dia didy iray izay tsy maintsy tandremantsika, hitanareo.” Ankehitriny:

Fa aoka ny olona hamantatra ny tenany, ary dia aoka izy hihinana ny mofo, sy hisotro amin'ny kapoaka.

Fa izay mihinana sy misotro amin'ny tsi-fahamendrehana, dia mihinana sy misotro fanamelohana ho an'ny tenany, raha tsy mamantatra ny tenan'ny Tompo. (Hitanareo?)

⁷³ Inona ianareo? Kristiana iray ianareo, miaina eo anatrehan’ny olona rehetra toy ny Kristiana iray ianareo. Ary raha mandray an'izao ianareo nefá tsy miaina tahaka ny

Kristiana iray, dia tsy mamantatra ny Tenan'ny Tompo ianareo. Mametraka vato manafintohina eo amin'ny lâlan'ny olon-kafa iray ianareo, hitanareo, raha hitan'izy ireo fa manandrana manao an'izany ianareo nefo avy eo dia tsy miaina amin'izay natao hiainanareo. Hitanareo, tsy mamantatra ny Tenan'ny Tompo ianareo. Ankehitriny diniho hoe inona...inona ilay ozon'izany:

Noho izany dia betsaka ny marofy sy marary eo anivonareo, ary maro no nodimandry. (Ny fandikana marina an'io teny io, Rahalahy Pearry, dia "maty." Hitanareo? Hitanareo, "maro no maty.")

Fa raha isika—fa raha isika no hitsara ny tenantsika, dia tsy ho tsaraina. (Hitanareo, raha mitsara ny tenantsika isika dia tsy ho tsaraina. Hitanareo?)

Fa raha tsaraina isika, dia faizin'ny Tompo isika, mba tsy hohelohina miaraka amin'izao tontolo izao. (Hitanareo, tsy misy fifamatorana amin'izao tontolo izao.)

Noho izany, ry rahalahiko, rehefa tonga miaraka ianareo mba hihinana, dia mifampiandrasa amin'ny hafa. (Hitanareo?)

Ary raha misy olona noana, aoka izy hihinana any an-trano; mba tsy hahatongavanareo miaraka ho fahamelohana. Ary ny sisa dia izaho no handamina rehefa tonga aho. (Hitanareo?)

⁷⁴ Ankehitriny, amin'ny teny hafa, dia aza manatona ka mandray an'izany ho toy ny...Araka ny nolazaiko vao teo, mikasika an'ireo Jiosy, ireo fanatiny, izy ireo...Tena nahafinaritra ilay izy, nomen'Andriamanitra izany, saingy tonga teo amin'ny toerana iray izany izay tsy nanaovan'izy ireo azy tamin'ny fahatsoram-po sy fanajana ary tao amin'ny lamina, noho izany ilay izy dia lasa fotsiny ho...ilay izy dia lasa ho—ho fofo-maimbo teo amin'ny Orony.

⁷⁵ Ankehitriny, mitovy amin'izany ny amin'ny fanatonantsika mba handray ny sakafotra harivan'ny Tompo, fa, tsy maintsyo manatona isika ka mahafantatra an'izay ataontsika. Tahaka anareo rehefa miditra ao anaty rano mihitsy mba hatao batisa amin'ny Anaran'i Jesosy Kristy, fantatrareo izay ataonareo, mampiseho amin'ilay fiangonana an'izay napetrak'Andriamanitra tao aminareo ianareo, Kristy.

⁷⁶ Rehefa mandray an'izao isika, izany dia maneho amin'ilay fiangonana, fa, "Mino ny Tenin'Andriamanitra rehetra aho. Mino aho fa Izy no Mofon'Aina izay avy tamin'Andriamanitra avy any An-danitra. Mino aho fa ny Teny rehetra izay Lazainy dia ny Fahamarinana. Ary miaina amin'Izany aho, amin'ny tsara indrindra amin'ny fahalalako, Andriamanitra no Mpitsarako. Noho izany, eo anatrehan'ireo rahalahiko, eo anatrehan'ireo

anabaviko . . . Izaho—izaho dia tsy manompa, tsy manozena aho, tsy manao an'ireo zavatra ireo aho, satria tiako ny Tompo, ary mahafantatra an'izany ny Tompo ka manambara ho ahy. Noho izany, eo anatrehanareo, dia mandray ny ampanahany Vatany aho, mba hahafantarana fa tsy helohina miaraka amin'izao tontolo izao aho.” Hitanareo, eo ianareo izao, amin’izay fotoana izay dia fitahiana iray izany.

⁷⁷ Ary, tsarovy, afaka manome fijoroana vavolombelona maro eo amin'izao aho, teo amin'izay nandraisako an'izao ka nanazavako an'izany tao amin'ny efitrano ny marary iray, ka nahita azy ireo sitrana.

⁷⁸ Tsarovy, rehefa nandray ny tandindon'izao ny Isirael, dia nandeha efapolo taona tany an-efitra izy ireo ary tsy rovitra akory mihitsy aza ny akanjon'izy ireo, ary nivoaka izy ireo tsy nisy anankiray malemy ny anankiray—ny anankiray teo anivon'izy ireo, tamin'ireo vahoaka roa tapitrisa izay tandindona iray an'izao. Eny, inona no hataon'ilay Tandindona mialoha? Raha izany no nataon'ilay vatan'ny biby iray natao fanatitra tamin'izy ireo, dia inona no hataon'ilay Vatan'i Jesosy Kristy, Imanoela, ho antsika? Ndao isika hanaja arak'izay fantatsika hoe ahoana, no hanatonana.



FANDRAISANA MAG65-1212
(Communion)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 12 Desambra, 1965, tao amin'ny Tucson Tabernacle ao Tucson, Arizona, U.S.A., dia nalaaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org